42000



УЛАНЛАРИ

ҚОЗОҚЧАДАН ТАРЖИМА

N1 1



MARKENSON





ИБРОХИМ ҚУНАНБОЙ ЎІЛИ АБАЙ

Қардош қозоқ халқининг улуғ шонри ва қозоқ адабиётининг отаси, ўз даврининг каттакон мутафаккири — Иброхим Кунанбой ўгли Абай, 1845 йили 10 августда Семей вилоятида, Чингизтоғ этакларида, Тў-

викли яйловида дун'ёга келди.

Абайнинг отаги Қупанбой қаттол, ўз сўзли, ўжар сахро хокими эди. Абайнинг ёшлик йиллари мушкул онлавий жанжаллар ичида ўтди. Чупки Қунанбойнинг тўрт хогини булиб, бу оилада ғавғо тез-тез булиб турвр хам Абайга қаттиқ та'сир қилар эди. Аммо Абайнинг онаси Уғилжон ўз ўглининг зийраклигини тез лайқаб олди ва унга алохида мехр қуйиб, бошқа бола-

ларидан яхширок куриб тарбиялайбошлади.

Абай, саккиз ёшила саводли бўлди ва Семей имоми Ахмад Ризо мадрасасига шогирд бўлиб кетди. Бу
мадрасада беш йил ўқиб, Абай, куп малумотга эга
бўлди. У, мадрасада араб, форс ва турк адабиёти блан
яқиндан ошно бўлди ва ўша замонцинг тартиб ва қоидаларини бузиб, рус тилини ўкийбошлади. Узининг
энйраклиги, интилиши соясида рус классик адабиётини
ҳам ўрганиб олди ҳам ўзи ше'р ёзабошлади. Лекин,
кўп ўтмай отаси уни овулига олиб кетди. Қунанбой
ўглини ўзига ёрдамчи сифатида ма'мурий ишга солди.

Абай ўз отасига ёрдамчи сифатида ишлар экан, мутоваасини давом этдирди. У, Фирдавси, Са'дий, Фузуанй, Навонй, Низомий асарларини ўкиб, ишлаб чикди ва ўз элатидаги халқ оқинлари блан танишиб, тез-тез адабий сухбатлар куратурган бўлиб қолди. У вактда шоирлик энг тубан хунар саналар эди ва оқинларни тиланчи — маддох хисоблашар эди. Уруг бошликлари—бийлар: "Худога шукур, бизнинг уругдан окин чиқкани йўк" деб тўйларда, ўтиришларда махтанар эди. Абайнинг номи чикиб, кадри ортиб, унинг атрофига сахро ёшлари тўпланиб борган сари, кора кучлар унга тиш кайрайбошлади. Хатто уни ўлдирмокчи хам бўллилар. 1870 йили уни тухмат блан қоралаб, подшо хукуматига карши ўланлар ёзади, деб чакимчилик блан жавобгар килдилар хам. Шу кундан бошлаб Абай Семей

вилоятининг хокими такиби остида колди. 1880 йиллари Абай Семей вилоятига сургун этилган Россия сиёсий арбоблари блан танишци. Булар Гросс, Михаельс, Долгополов ва бошкалар булиб, Абайнииг тараққийпарвар, ма'рифатпарвар булишига йўл очган устозлардир. Айникса, Михаельс улкан олим, замонининг илгор одами эди. Абай умр буйи бу дусти муаллимидан миннатдор булгандир; чунки у, Михаельс оркалн Пушкин, Лермонтов, Некрасов, Белй-нский, Добролюбов, Крилов, Толстой, Тургенев, Достаевский ва бошка классиклар блан якиндан танишаолди. Кадим замон файласуфлари Сукрот, Афлотун, Арасту асарлари блан ошно бўлди. Бу хакда, ўша вактда Семей вилоятида турган. Америкали сайёх — журналист Джорж Кеннан бундай деб ёзди: .Мен бу ерда — кутубхонада козокнинг бир билимдони - Иброхим Кунанбой ўгли веганни биламан. У китобии жуда яхши куради, у жуда малумотли киши. Ишонасизми, менинг блан учрашганда, индукция блан дидукцивнинг фаркини сураб колди. Мен хайрон булдим, Ман унинг фалсафий сухбатларидан хайрон колдим*.

Абай 40 ёшга кирганда, ўз ўланлари тагига ўз имзосини куйиб, бостирабошлади. Айникса, бу вакуда Пушкиндан, Лермонтовдан килган таржималари козок

халки ичига таралиб кетди.

Абай яшаган замонда қозоқ халқи қашшоқлик ва қуллик занжирида инграр эди. Бир томондан чоризм, иккинчи томондан ўз бийлари — бўлислари халқни таламоқда, халқ қонини сўрмокда эди. Уруглар ўртасида тез-тез кон тўкишлар, бийлик талашлари, нодонлик: Абайни базан умидсизликка солар эди. Мутафаккир жазари ва шоир юраги блан Абай ўз халкининг бошига түшган фалокатларин кўрар, тушунар ва ўз ўлавларида


жалкига муаллим сифатида куйиб ёзар эди.

Абай ўланлари кўлдан-кўлга кўчно, узок овулларда ўкиладиган бўлди. Йигитлар ўз севганларига хат ёзганда Абай ўланларини кўшиб юборадиган бўлди. Кизлар келин бўлиб, узок яйловларга кетар чоғда, ўз сепига кўшиб. Абай ўланларини олиб кетадирган бўлди. Шундай килиб Абай ўз халкининг энг севимли, унутилмас окини бўлиб колди.

Абай ўланларининг фикри кенг, ма носи теран, шакли чиройликдир, чунки у,— 40 ёшига қадар узликсиз ўкиб, козокнинг бой фольклоридан, шарк классик адабиётилан, рус ва Европа лассик арилан ўрганиб ёзди. Абай ўз қалқини ёругликка, мехнатга ундаган ва козок адабиётига всос солган, козок тилининг софлиги учун курашган улуг шоир. Унинг илмга ундаб ёзган ўданлари, сахро табиатини тасвирлаб ёзган ажойиб ўланлари хамон яшамокда.

Абай 60 ёшга ккирганда дун'ёдан ўтди. У ўз умрида бехисоб ўлан ёзди. У козок халкининг ох-зорларини, интилишларини куйлашдан толган эмас. Замонлар ўтажак. Абайнинг хизмати, ижоди ўз халки тарихида магрур коя сингари колажак ва сталинча дўстлик блан жиплашган кардош халклар ўртасида севилиб ўки-

лажак.



Гудак учун бешиги—каттакон олам, Онасининг оқ кукси—жонажон олам; Кенг сахро хам тор келар—улғайганида, Утовидай куринар бепоён олам.

Ёшликда билмим излаб югурмадим; Хайрин билдим, броқ, юз ўгирмадим. Улғайганда — қарасам қўлим қуриқ, Кечикиб қўл чўздиму, улгурмадим.

Билимсиз қолғанимга ким гуноҳкор? Изласам бўлармидим мунчалик хор? Одамзод тасаллиси фарзанд экан, Фарзандимни билимга қўймадим зор...

Мадрасага бердим мен адаб учун, Билим учун, наинки мансаб учун! Узим хам юксакларга қанот қоқдим. Айб булмас орзу учун — талабучун...

Ким айтар: ёмон бўлдим, йўлдан қайтдим? Козоққа ширин ширин ўлан айтдим; Уланда хечким менга тенг келмади, Лекин, қадрим тополмай, йиғлайман жим...

Илм топмай махтанма Ўрин топмай бопланма, Хуморланиб шодланма, Уйнаб бекор кулишга! Беш нарсадан қочиқ бўлі Беш нарсага ошик бўл1 Одам бўламан десангиз. Тилагинг, умринг олдингда, Унга кайғу есангиз. Елғон-яшиқ, махтанчоқ, Эринчак, бекор мол чочмок, Беш душманинг билсангиз! Талаб, мехнат, теран ўй, Каноат, рахм, ўйлаб кўй. Беш асл иш-кўнсангиз. Ёмонлик кўрсанг нафратли, Совутиб кўнгил тийсангиз. Яхшилик курсанг ибратли Уни ўйга йиғсангиз. Олим бўлмайин нима? Болаликни кийсангиз. Бўлмасанг хам ўхшаб бок, Бир олимни кўрсангиз. "Ундай булмоқ қайда? "деб.

Айтма илм суйсангиз. Сизга илм ким берар Ёнмай етиб сўнсангиз. Дун'ё хам, мол хам у ўзи, 🔾 Илмга күнгил берсангиз. Билганларнинг сўзига, Мухаббатла кирсангиз. Ақл қайтмай, қайтмангиз Бир ишга кўнгил берсангиз. "Оксокол айтди, бой айтди" "Ким бўлса, майли шу айтди". Акл блан енгсангиз, Нодонларга сўз бермай Чин суз блан улсангиз. Оят-хадис эмас-ку. Жофир бўлдинг демас-ку, Канча карши келсангиз. Куп олдида сир айтма. Бизнинг сўзга кирсангиз. Буни ёзган кишини Отин билма, сўзин бил! Шу вафосиз дун'ёдан Чечан хам ўтган не булбул, Устоз хам ўтган не дулдул, Сўз ма'носин билсангиз. Акл-мезон ўлчов кил. Агар қийшиқ куринса Майлинг ташла, майлинг кул! Агар тўгри кўринса, Уйлагину кулокка ил! Ахмок кўп, аклеиз оз, Дема купнинг сузи бул. Якиннинг сўзи ширин деб Якиним айтди деб кўрма! Нодонликла ким айтса, Ундай бўш сўзга кирма!

Сизга айтдим хавфим шул, Ўзинг учун ўргансанг, Ёмонликдан жиркансанг, Очиларсан ййлма-йил, Биров учун ўргансанг, Биров билмас, сен билсанг, Билганларингдир бир пул. Сўзига қараб киши ол. Кишига қараб сўз олма. Чин сўз қайси билолмай, Хар ишдан қуруқ қолма! Сўзин уқиб хўп ўйла, Тез ўрганиб тез жўйма. Ёз вақтида кўнгил гул.

1886

Қозоғим, шўрлик юртим, вайрон юртим! Қоронғуда йўл топмай, хайрон юртим! Ёмон блан яхшини фарқ қилолмай, Оғзида ҳам қон, ҳам мой сарсон юртим!

Қарасам, ажаб товур юзинг сенинг, Нечун ахир, алдамчи сўзинг сенинг? Доноларнинг хикмати писанд эмас, Гофил қолган, адаштан ўзинг сенинг!

Тунда уйқунг бузилар, кундуз — кулкинг, Дардингга эм бўлмади молинг — мулкинг! Очкўзсан, тама'корсан, қурмсоқсан, Бор савлатинг бошингга кийган тулкинг...

Бий бўлди қийқим бойлар бош-бошига, Доғ солди, захар солди юрт ошига, Қурқаман, асоси йўқ кўр сингари, Элим унар бузуқлар алдашига!..

Оталарга ўхшамай қолди турқинг, Ёпирай, мунча кетди, элим, хулқи∹с! Бирлик йўқ, барака йўқ, бузулди фе'л, Қани йиғган давлатинг, боққан йилқинг? Элат блан элат ёв бийлик учун, Оға блан ини ёв сийлик учун, Қозоғим, ўз-ўзингни ўнгламасанг, Бадбахт кунга қолмасми тақдир бутун?

Мен нетай, ахир кимга умид боғлай? Қурқоқ қуллар юртида не бахт чоғлай? Бир йулчи топилмасми сарсон элга, Мен излай, мен ахтарай, мен суроқлай...

Marroy Real Control of the Control o

Description of the Control of the Co

Komer, and commer, the commer

Type

2017

ent.

Kyrrie I a grant for

Ect

1886,

БУРКУТЧИ

TO U.

Қор ёққанда буркутчи чиқар овга, Тошдан тулки топилар пойлаганга. Яхши от тотув йўлдош бир ғанимат Яхшидир ихчам кийим овчи одамга.

Бирданига йўликса тулки изи Ахтариб овчи хар'ён кўз солганда, Буркутчи тог бошида, кўлда буркут Кетган изни синчиклаб пайкаганда.

Тумағини буркутчи бошдан олар, Қирон қуш кўзи кўриб интилганда. Паст учсам тулки ўрлар, қутилар деб, Учади кўз ўйнатиб тик осмонга.

Кўриб, тўхтаб қолади қочган тулки Кутилмасин билганчун бўш қочганга, Оғзин очиб қақақлаб, тишин қайраб, У ҳам кураш қилади чивин жонга.

Қизиқар шунда овчи, завққа тўлиб, От қўяр қарамай хеч йиқилганга. Қирқ пичоқла ғижиниб турган тулки, У ҳам ўнғай ёв эмас, эўр қиронга. Саккиз найза қулида куз олмасдан Ботир ҳам ташланади у қурбонга. Қанот, думи шувуллаб ишқиради, Кукдан қирон яшиндай қуйилганда.

Ярқ-юрқ этиб иккови олишади, Якка ботир чиққандай жанг-майдонга, Бири хаво, бири ер ёввойиси Одам учун ботишар қизил қонга.

Қор—оппоқ, буркут— қора, тулки— қизил Ухшайди гўзал сувда чўмилганга. Қора сочин кўтариб икки бармоқ, У хам билқ билқ этмасми сийпаганда.

Оппоқ эт, қип қизил бет яп-яланғоч, Қора соч қизил юзни яширганда. Куёви эр, қайлиғи гўзал бўлиб, Яна ўхшар тор тўшакда ётишганга.

Яғрини орқасидан билқиллайди, Қирон буклаб остига дал босганда. Қуши ҳам эгасига хўрозланар, Олтмиш икки ҳилали сайд олганда.

Овчининг чехрасига шодлик чиқар, Тулкини қанжиғага бойлаганда. Силкиб кийиб тумағни, ҳам насвойни Бир отасан дилга шодлик жойланганда.

Тоғдан жийда тергандай ола берса, Бир яшайсан хуморинг хар қонганда. Кўнгилда йўқ хеч қандай ёмон ният, Ов бўлади кенгашинг, қуш солганда.

Хечкимга зиёни йўқ ўзим кўрган, Хўб қизиқ иш экан бу шум дун'ёда Сезгиси чуқур ҳамда ақли борга Бари аниқ кўринар ўйлаганда.

Уқмассан устин қараб ўта берсанг, Суратин кўралмассан кўп боқмасанг. Кўланкаси тушади тез кунглингга Хар сўзни бир ўйланиб салмоқласанг.

Ингитлар бу сўзни хеч ма'носини, Билолмассан қуш солиб завқ олмасанг.

Қаридик, ғамга ботдик, уйқи сергак. Аччиғинг худди зақар, ўйинг кўлмак. Дардлашишга киши йўқ сўз уқарлик, Ким кўнгилни кўтариб бўлар эрмак.

Ёш—қарир, йўқ—туғилар, тўғилган— ўлар, Тақдир йўқ, ўтган умр қайтиб келмас; Босган из, кўрган қизиқ қола берар Бир худодан бошқанинг бари ўзгарар.

Мард иши ақлға кирмас бўйни енгар, Хунарсизнинг қилиғи чала курар. Чин ўйламай берилиб бир иш қилмай, Эринчак оқибатда купга кунар.

Ёмонлар қилолмайди ҳалол эмгак, Гарлик, ўғирлик қилиб кулар тоза, Харом ишдан ёмонлик кўрмай қолмас, Минг кун синмас, бир куни синар кўза.

Одамзод тирикликни давлат билсин. Ақл топсин, мол топсин, ҳалол юрсин. Икковининг бири йўқ овул кезиб, Хўр бўлиб, бекорга кун ўтказмасин. Нодонлар бўш сўзларга қулоқ солар, Чин сўзнинг пойдасидан четда қолар. Рост сўзнинг хеч билмайди хосиятин, Чинни қўйиб, йўқ сўздан лаззат олар.

Ақллик, қора қилни қирққа бўлар, Қар нарсага ўзидай бахо берар. Нодон киши хеч нарса билмай туриб, Махтаниб, кўча-кўйда кўкрак керар.

Халққа ичидан ёв, сиртдан кулар, Тиригида дустин сўкиб, ўлса йиғлар. Бир-икки йўли бўлган киши кўрса, Худо севиб яратган ушбу деяр.

Эл бузилса топади, шайтон ўрнак, Фаришта пастга тушиб қайғи емак, Ўзимнинг итлигимдан бўлди демай, Енгдику, деб шайтонга қилар кўмак.

Қўлдан кела берарми юрт бошқармоқ, Қалоллик, харомликни ким тенг кўрар? Шухрат учун ғайратсиз бўлис бўлмоқ, Итдай бўлиб ўзига сўз келтирар.

More apply officer

ЎЛАН

Ўлан — сўзнинг пошшоси, сўз сараси, Худди баланд тогларнинг шаршараси. Тошиб келар, ялтираб — оқиб келар, Кўнгилга ором берар, хар нафаси...

Сараланмай булғанса сўз ораси, Бу — оқиннинг билимсиз — бечораси. Хам оқин, хам тингловчи кўпи нодон, Сўз танимас бул юртнинг бир пораси.

Сўз боши аввал хадис, оят бўлур, Шираси хам ма'носи ғоят бўлур. Пайғамбар хам сўзини ўлан қилган; Улан айтай, шоядки кўнглим тўлур...

Уландай хутба ўқир кекса мулло. Улан айтиб йиғлаган валиюлло¹, Хамма ҳам чамасича ўлан ўқир, Улан блан ёзилган калимулло.²

¹ Валиюлло — оллонинг валиси.

² Калимулло — олдонинг сўзи, китоби, кур'он.

Уланга ишқимиз бор қадим чоқдин, **Лекин, қа**ндай наф' бўлар махтанмоқдин! Ичи зар, сирти кумуш сўз яхшисин— Келиштирар ким хам бор мўл қозоқдин?..

Сўзни чертиб сўзласанг харким сийлар, Макол кўшиб сўзларкан кекса бийлар. Оқиялари беақт, нодон экан, Бекор сўзни теридай нукул ийлар.

Қулида ҳам қубизи ҳам думбра, Ҳаммага махтов уқир, қуймас сра. Улан айтиб хайр тилар элни кезиб, Суз қадрин ерга урар, булиб хра.

Мол учун сўзни безар, виждон сотар, мол учун бўйин эгар, молдай ётар. Мол учун хам алдайди, хам аврайди, Э худо, шу окинлар качон котар?

Бойларни махтай бериб сўз қолмапти, Ўлан айтиб, мол йиғиб, бой бўлмапти. Ўланнинг қадри кетди эл ичида, Қадрини кеткизганлар йўқолмапти...

Кекса бийдек мақолга бурмагайман, Ё оқиндек хайр тилаб юрмагайман, Сўзим — ўзга, тингловчи сен хам тузал, Бехуда гапдан сухбат қурмагайман.

Эл чопган ботирлардан сўйлаб берсам, Ошиқлар, ма'шуқлардан куйлаб берсам, Анчайин ҳангома деб тинглардингиз, Сўзларнинг сарасини сўйлаб берсам...

Аммо, ақл чақирилмаган мехмон эмиш, Ақли борга бундай умр зиндон эмиш... Кечиринг, нодонларга тегиб ўтсам, Бу элда тўғри айтган ёмон эмиш...

Тўгри сўздик ўланим ўзинг кўркам! Майли, татимаса хам сўйла бардам... Бу юрт сўз ошиқи-мас, мол ошиқи, Розиман, мингдан бири тушунса хам...

Ўзи блан ёвлашган юртим, тингла! Ўзи блан довлашган юртим, тингла! Дардингга даво бўлсин ўланларим, Бир-бирини овлашган, юртим тингла!

Нохот сенда қолмаган номус ва ор? Нохот номус ва инсоф эмас даркор? Теран ўй, теран илм йўлинг очсин, Ёлғон ўлан ва сўздан олам безор...

B 44

Бозорга, қараб турсам, ҳарким борар, Излагани на бўлса шу топилар. Биров овқат олади, биров маржон, Ҳаркимга бир хил нарса бермас бозор.

Харкимнинг излаган бир нарсаси бор, Чамалаб оқчасига шундан олар. Биров уқмас бу сузни — биров уқар, Бахосин фахм қилмай ҳайрон қолар.

Сўз уқар ушбу кунда киши борми? Демайман сўзим юртга бирдай ёқар. Ёзган сўнг ерда қолмас тешик мўнчоқ, Бировдан— биров олиб, элга тарар.

Бир кишимас ёзганим ялли юртку, Гижинмаёқ чироқлар уқсанг ярар. "Ит маржонни на қилсин"—деган сўз бор Дили ўтли йигитлар бир ўйланар.

* *

Ез кетди, қишнинг боши, дала бежой, Қора ел суқиб турар бир-икки ой. Қор тушгунча яйловни фойда күриб, Қишловдан ҳамон нари утирар бой.

Гадой шўрлик юради пода бокиб, Ўтуни йўк исинса олов ёкиб. Хотин урчук йигирар, юнг савалаў, Чекман тўкир совукда елка кокиб.

Жулдур ўтов ичида музлар гўдак, 1 На қуюқ, на суюги... бўзлар гўдак. Чурук кийгиз остида титрар бобо, Тушида гўшт кўрганин сўзлар гўдак...

Қари қуй суйдирар бой бахиллиги, Оч юрипти камбағал ақллиги, Уришмайин ярим қоп қий берса ҳам, Қуйчи бойнинг каттакон сахилиги...

Бўронда хам тўнгмайди бой боласи, Овлок жойи— козокнинг кенг даласи. Карол ўгли бош букар хизматида, Писанд эмас кўз ёши, ох — ноласи. Соядай ҳам ўрни йўқ бой уйида, Сорқўтга ҳам илинмас шу кўйида, Лекин, узоқ кетолмас, чораси йўқ. Ёрабби, ҳарким кулсин ўз тўйида!

Бой бўлса ўз ўғлидан кўнгли тўлик, Хар дам махтар: азамат, жуда бўлик... Ошин эплаб ичолмас, ит боласи, Қарол ўғли оч ётар, ранги сўлик...

Қаролига бермайди бой парча нон, Хизматга ҳам хайри йўқ, ёвуз ҳайвон, Меҳри йўқ, инсофи йўқ, имони йўқ, Нега одам яратдинг, қодир мовлон!

Қароли оч ўлса не, бой ўзи тўқ. Хақ танимас, бағрингга қадалсин ўқ! Ёш бола, кампир, чолни тентиратмай, Хеч бўлмаса бир қиш боқ, инсофи йўқ!

йигит сўзи

Бердим салом, қалам қош, Сенга қурбон мол ҳам бош. Соғиниб сени ўйлаб, Оқар куздан қайноқ еш.

Сендан ортиқ жон туғмас. Туғса туғар ортилмас. Бир ўзингдан бошқага, Ошиқлигим айтилмас.

Асл одам айнимас, Ишқ ўтидан қайрилмас. Кўрмасам ҳам, кўрсам ҳам, Кўнглим сендан айрилмас.

Кўзим ётга қарамас, Ёт ҳам менга ярамас. Тор тўшакда тўшингни Искармидим яланғоч!!.

Ийиғимда сунбул соч, Қучоқлашсак биз бир паст. Лаззат олсак булмасми? Куз юмилган кунгил маст!!.. Сизда ноз, бизда эхлос, Шу сўзимнинг бари рост. Сиздай ёрнинг дун'ёда, Лаззатига жон тўймас.

Этинг этга текганда, Даминг тийиб суйганда, Тан жимирлаб, бўй эриб, Ичим ўтдай куйганда.

Юрак эриб еганда — Ички сирни туйганда — — Излаб топар шунқорман, Гўзалимни қувганда.

Жоним, хижронни йўқот, Қараб тўймайман юз қат. Иссиқ тийиб борасан, Бир соатдан — бир соат.

Сиз қирғовул жез қанот, Гул юзингни бир қарат. Яқинлай бер ёнашиб Хуморимни бир тарат.

киз сўзи

Келишдириб махтайсиз, Уйласанг на топмайсиз? Бизда эрк йук, ўзинг бил! Алля нега бошлайсиз!!..

Биз хам одам пайқаймиз, Биз мардларни еклаймиз, Сиздай асл гез келса, Қайтиб бошни чайқаймиз.

Ақиликсан, сўзинг бой, Сиз ялин чўқ, биз бир мой, Иссиқ сўз кирди ичга, Мой турарми эримай.

Қабул курсанг кунглим жой, Ташлаб кетсанг, ёпирим-ой! Ит хур одам буларми? Бу дун'ёда шурлингдай.

Тилагимни бермасанг, Амалим не, ерласанг, Ургатмагин буйингга, Аниқ яхши курмасанг. Асл ошиқ эрга тенг, Қора кўнглим ерга тенг. Сенсиз менга ёт тўшак, Бўлар худди гўрга тенг.

Сиз бир шунқор шохпарноз, Ер юзидан олган бож. Биздай ғариб хисобсиз, Куйингда юрар мухтож.

Тод чивикдай, ўралиб, Гул шохидай буралиб, Салмогингдан янчилиб, Қолсин хумор бир қониб.

Буни ёздим ўйланиб, Уйда бордан тўлганиб, Ёқса дилга ўқий бер, Йигитлар қўлга олиб.

Буни ўкиса ким таниб, Юрагида ўт ёниб. Сўз укарлик жон топса, Айтса бўлар куй солиб. Аввалдан бир совук муз — ақл зийрак. Иситган бутун буйни иссиқ юрак. Саботлик, талабгорлик, чидамлилик, Бу ғайратдан чиқади, билсанг керак.

Ақл, ғайрат, юракни бирдан ушла, Шунда тўлиқ бўласан элдан бўлак. Якка-якка хечбири ёритмайди, Йўлда йўқ ярим ишни яхши демак.

мулда иуқ ярим ишни яхши демак. Ақл ҳам, ғазаб ҳам йўқ, кулки ҳам йўқ, Ўйнаб, қайнаб бир юрак қилар ҳалок. Бировининг куни йўқ, бировисиз, Илм — шу учовининг жўнян билмак.

Ошиқлик, ишқибозлик — у икки йўл, Ишқибозлик нафс учун бўлади қўл. Сендан ортиқ жон йўқ деб ошиқ

бўлдим.

Мен не бўлсам бўлайнн; сен омон бўл! Кўнглимнинг рохати сен бўлгандан сўнг, Яширинма нурингга жон қувонсин. Бирга ёққан, бировга ёқмас эди, Суйкумли тирик жонга кеткан жонсен.

Ошиқлик келса енгар кўнгил олиб, Юпатар безгак каби сўлкиллатиб. Бутун тани тунгар, совур — умид узса. Умидланса ўртанар куйиб ёниб.

КЎКЛАМ

Куклам келса, қолмайди қишнинг изи, Қулпурар кукаламзор ернинг юзи; Жон киради борлиққа, табиатга. Она янглиғ жилмаяр куннинг кузи.

Кулишар, ўлан айтар йигит-яланг, Ўтовда ўтиролмас қари-қартанг; Жон-жонивор, одамзод яйраб кетар, Қушларнинг қўшиғидан ҳаво жаранг.

Қирдаги, сойдаги эл аралашар, Қуй қүзилаб, оёққа ўралашар, Қиш буйи бир-бирин кўрмаганлар, Қучоқлашар, ўйнашар, хол сўрашар.

Туя бўзлар, от кишнар, қўра—шов-шув, Капалаклар гул излаб учар дув-дув. Етти рангли гиламдай яшил тусда— Сулув қиздай буралиб оқади сув.

Кўл ёқалаб учишар ўрдак ҳам ғоз, Уя излаб югурар бола шоввоз; Учкур отни эгарлаб кўлга тушсанг, Чакмокдай тез ов олар бўз довулбоз¹.

Довулбоз — ов қуши, лочин.

Қанжиғада ўлжаси — овчи қайтар, Сулув қизлар нозланиб, салом айтар. Қуш гўштига мос тушар нордон қимиз, Баданингни болқитар, жимирлатар.

Кўкламдай кийинишар келинчаклар, Чаккасида гунафша, бойчечаклар, Қирда тўрғай сайраса, сойда булбул, Гул блан тўлиб кетар — тул этаклар.

Деҳқонлар қўш қўшади, экар экин, Ҳафта ўтмай кўкарар экин-тикин, Савдогарлар мол юклаб, туя қўмлаб, Олис-олис йўллардан келар секин.

Оламга безак берган қодир мавлон, Ер — она, қуёш — ота, нури жақон, Онадай эмиздирар куксидан ер, Отадай мехр тукар ёруғ осмон.

Булут ўтса ариллаб оқади сой, Кечаси— чаман юлдуз ва тўлин ой, Не қилсин қоронғуда ярқирамай, Қуёш чиқар чоғида холига вой.

Қуёш — ошиқ, ерни кўп севар эмиш, Ер ишқида ўртаниб, куяр эмиш. Ошиқ йигит уфукдан кўринганда, Юлдуз ва ой севгини қўяр эмиш.

Ошиқ-қуёш тун бўйи кутар эмиш, рнеол пайтин пойлаб кўз тутар вмиш. Сахардан оғуш очиб севганини Мухаббат оловида ўртар эмиш... Қиш бўйи ер — қуёшни излар муштоқ, Кута бериб сочлари бўлармиш оқ; Кўклам ва ёз васлига қониб тоза, Гул очиб, тўлиш₁рмиш, етмай қучоқ.

Қуёшга тўгри боққан — кўр бўлады, Қуёш кулса оламга нур тўлады. Не билай, ўзим кўрдим, қуёш хар кеч — Олтин чодирига кириб, дам олады.

Сулувлар сараси, Кўзимнинг қораси! Қийнайди жонимни — Мухаббат яраси...

Қозоқнинг доноси, Улуғи, оғаси, Дер: "унга тенг келмас — Хеч одам боласи..."

Йиғлайман, бўзлайман, Дардимни сўзлайман, Сен учун сўзларнинг Гавхарин излайман

Дардимни қўзғайман, Хажрида тўзмайман. Узи хам билмасми, Гапни кўп чўзмайман.

Ўзи хўп билади, Харзамон келади; Сир бермай, сўз демай, Багримни тилади.

Оқади кўз ёшим; Йўқ ёлгиз мунгдошим, Куяман, ёнаман, Айланар шўр бошим.

A Cathelland and A

Шунчалар ситамми? Шунчалар аламми? Юракда ўти йўк— Одам хам одамми?

Кўркингнинг доға йўқ. Доғ тушар чоғи йўқ; Арэимни айтайин, Хох тушун, хохи йўқ.

Оқ манглай, қалин соч, Соч деган бир қулоч, Қирмизи яноқлим, Қароғим, юзинг оч!

Сув бўлиб оқишинг, Хам қиё боқишинг— Оромим олибдир, Токай жон ёқишинг?

Расо бўй, хипча бел, Қайрилар эсса ел; Токай мен ох урай, Қароғим, бери келі

Сен кулсанг—ёз бўлур, Хасратим оз бўлур. Кулиб қўй, очилиб, Токай бу ноз бўлур?

- Дардингда юраман, Азоблар кўраман, Мол тугул, йўлингда — Бошни хам бераман. Гул хидинг анқийди, Кўркинг нур чалқийди; Узокдан кўрганда— Суягим балқийди.

Махташга сўзим йўқ, Сўзлашга юзим йўқ; Куёшдай гўзалим, Қарашга кўзим йўқ.

Сенсан — жон лаззати, Кўрк — тангри давлати; Сулувни севмаклик — Пайғамбар суннати.

Қулоқ сол додимга, Оқу-фар'ёдимга; Кунглимни очдим мен — Сен паризодимга.

У ёгни ўзинг бил; Майлига, багрим тил, Узун гап қисқаси — Кетганман сенга зил

Йиғлатмай беқарор, Зўраки, бўлсанг ёр; Кулишинг, келишинг Қилади куп хумор.

Тайсалган — йигитмас. Жавоб айт бу нафас... Худоё, юрагим Ёнишин қилгин бас!..

Талай сўз бундан бурун кўп айтганман, Тегин ўйлаб, кўп қайғу еб айтганман. Ақлликлар орланиб, уялганчун, ўйланиб, тузаларми деб айтганман.

Қозоқнинг бошқа юртдан сузи узун, Бирининг бири тездан уқмас сузин. Кузнинг ёши, юракнинг қони блан, Эритишга булмайди ички музин.

Дўстим ай хаволанмай сўзга тушун, ўйланчи сиртин қўйиб, сўзнинг ичин. Иржангламай тингласанг ниманг кетар Чиқарган сўз эмас-ку жинни учун.

Адашиб аланглама йўл тополмай, Берирок тўгри йўлга чик камалмай. Ё илм йўк, ённки мехнат хам йўк, Энг бўлмаса кетдинг ку мол боколмай.

Севги тили — сўзсиз тил, Кўз блан кўр, дилдан бил. Бир қараш ё бир имо — Етар... Богланар кўнгил!

Билардим бу тилни мен, Овлардим кўп дилни мен: Унутдим: бу тил сирин, Ва сочи сунбулни мен...

sh ===

Ёшлик ўтди, билдингми? Йигитликка келдингми? Йигитлик ўтди, кўрдингми? Кексаликка кўндингми?

Ким билади, шум така, Не гунохлар қилгансан. Не қилмишлар билгансан, Қай кучага киргансан, Не йўллардан юргансан.

Ким билади, шум така, Тугал бадбахт бўларсан, Оғилда ўлган туядай, Сен ҳам ҳаром ўларсан.

КУЗ

Сур булут, ранги совук, тўлар осмон, Далани кучогига босар туман. Тўйганданми, билмайман, тўнгганданми, Уюр-уюр йилкилар чопар хар ён.

Майсазор йўқ, тараса елларда соч, Тиланчидай қуп-қуруқ ҳарбир ёғоч, Гўдаклар шовқун солмас, югиришмас, Чўл ёниб кетган каби қип ялонғоч.

Бирсвлар—пўстин тикар, териси мўл, Бировлар—жулдур чакмон, кезади чўл; Бой учун кийгиз босар гала чўри, Бировлар куни учун олади йўл.

Турналар тўп-тўп учар тушлик ёққа, Сарбони бор карвонни бошламоққа. Қай овулга бормагин, ғусса тўлиқ, Ел ўшқириб чопади тоғдан-тоққа.

Кўнгилсиз қора совуқ, қирда юрсанг; Биров келиб қарамас ёлғиз ўлсанг. Гўдаклар оч, инграшар кампир хам чол, Итлар хам оч увлашар қайда кўрсанг.

Ёз ўтди айран ичиб яйловларда; Олов йўқ, бу чоқ қера ўтовларда. Шўринг қурсин, қозоғим, шўринг қурсин, Молинг мўл, оч кезасан қишловларда. Мен ўланни ёзмайман эрмак учун, ўтган-кетган гапларни термак учун. Мен ўланни ёзаман тушунганга, Авлодимга бир сабок бермак учун. Сўзимни тентак укмас, зийрак укар, Кўнглининг кўзи очик, сергак укар.

Қийшиқ-қингғир йўллардан келма менга; Тўғри кел, кўп сир очиб ташлай сенга. Эхтимол, биринчи гал уқмассан ҳам, Ўлан алифбесидан бошлай сенга. Айтиб қўяй, ёқмаса, шу зомоноқ айт; Янги ўлан сўрамай, онлингга қайт.

Мен ўланда афсона кўйламадим, Олтиндан қуйма қизни ўйламадим. Кексаларга хеч ўлим тиламадим, Ёшларга ёмон бўл, деб сўйламадим. Жирканмайин, сўз аслин мендан сўра, Сўзимнинг таги теран, пайқаб қара. Ота блан олишган — одам эмас... Саргардон хам саёқлар хеч кам эмас.

Ватансиз, нодон, молсиз етиб — ортар, Хотинбоз, қуруқ савлат, сир ҳам эмас: Қозоқда бангилар ҳам чиқиб қолди, Беҳунар ҳанггилар ҳам чиқиб қолди.

Улан куп, тузсиз ўлан тегди жонга, Ёлғон гап тулиб кетди бу жақонга. Оқинлар, ялинаман, ақлга кир, Асл суз, сайлаб суйла ёш инсонга. Улан бор — ўланларнинг ўланидир. Улан бор — бема'нидир, бема'нидир.

* *

Сол демайман, сўзимга эхлосингни, Кайғули ўлан этдим ўз бошимни. Юрагимда сирим бор ўз холича Кўринганча, яширмай кўз ёшимни.

Қўл, ёзишни эрмак қил ётма бекор, Бу кўнгилсиз дун'ёдан кўп йил ўтар. Узи қисқа қам асов, тентак умр. Ортдагига бир белги қўйса нетар.

Ким билар тўгри келса ортдагилар, Ўйга солиб укирда, сўзин синар. Кўзин солиб ўйланиб гох бир сўзин, Ростку деб ма'носини унга унар.

Ким билар хафаликла ёзган сўзим, Юбормай кўп тўхтатар унинг кўзин.

Не умид: беирода, **Г**афлат босган инсондан? **А**қлдан махрум одам— Фарқи нима ҳайвондан?

> Иродасиз ақл ҳам— Теран буйлаб кетолмас, Ғафлатда қолган одам— Муродига етолмас.

> Тан тилагин бермасанг, Жон чидамас, жон ачир. Жон тилагин бермасанг, Қон чидамас, қон ачир.

Молку ақлдан махрум, Тану-жони бор, аммо, Молдан фаркинг булмагач, Тирикликдан не ма'но?

Номим одам бўлган сўнг. Қандай нодон бўлайин? Халқим нодон бўлган сўнг, Қаён бориб ўнгайин? Кун кетидан кун туғар, Асло вақтин ўтказмас. Ўй кетидан ўй туғар, Елга мингсанг еткузмас!

Бутун тунга тарқалар — Яхши оханг, ширин куй. Дилга хил-хил ўй солар, Оханг суйсанг, мендай суй!

Олам эсдэн чиқади, Унутаман ўзимни. Кўнглим ма'ни уқади, Диялмайман сўзимни.

Чўлда ташна сув топса, Ичар узала тушиб. Билмайди, то қонгунча, Утсалар хам туртишиб.

Яхши оханг — куйдирар, Эсга тушар ўтганлар. Гўё тушингга кирар — Кўйлаб, йиглаб кетганлар...

Эски олам, қадим ҳол — Такрор аён бўлади. Ҳарёк учади хаёл, Менинг кўнглим тўлади. Ўтмиш оғусин ичиб, Бўламан боз маст— гаранг, Ёлғонлар чин кўринар... Оханг кучига қаранг!

Боз мени алдайбошлар — Хар муттахам ва хар қув. Оламда мен ичмаган — Айтинг қолдими оғу?

1897

Дағал овоз, ёки эшак ханграши — Ранжу, ғашдан ортиқ бизга не берар? Одамзодга хунар булса — алдаши, Ундан одамзодга яхши не келар?

Не топасан қора кулни титкилаб? Не топасан нодонларни турткилаб? Нодон экан, сузсиз, нодон атайман? Бехунарни нечук инсон атайман?

*

Мен кўрдим, узун қайин қулаганин, Қора ерга бош қўйиб сулаганин. Япроғи сарғайиб ва ўлимсираб. Бойқушнинг ким тинглайди йиглаганин

Мен кўрдим, ўйнаб юрган қизил кийик Гавдасига милтикнинг ўки тийиб, Толикиб, консираган ковок туйиб, Кимга ботар у бойкуш тортган куйик.

Мен кўрдим синиқ қанот капалакни, У хам билар умрни изламакни; Кун чиққанда исянар қалт-қулт этиб, Ундан ибрат олар жон бир бўлакни.

Мен кўрдим ошиқ ёрдан ва'дасизлик. Умрнинг қизиғидан умид уздик. Иссиқ юрак совуди, яра тушли, Чиқмаган чибип жонла кун ўтказдик

Дун'ёнинг билдик охир оқибатин, Еб юрган куп, бирининг бири этин, Уйли одамга қизиқ йүқ бу дун'ёда. Купининг сирти бутун, ичи тутун.

1895

* *

Оч киши тинчланарми тўймагунча, Тук киши то ёрилиб ўлмагунча? "Бир тўйсанг— чала бойлик" деган қозоқ. Эт топса— қўймас холдан тоймагунча...

Мехнатсиз, харакатсиз, шўрлик козок! Овкат излаб тентирар, гадо— кашшок. Тушларига киради кимиз хам гўшт, Йукчилик гирдобига тушган шундок!

Бўлозйди кимиз текин, хам гўшт арзон, Ундан хам ширин овкат килар армон... Тер тўкиб, кун кўрмоклик— одат эмас, Тиланчилик. эй тангрям, кандай ёмон!

Холи йўқ ўз уйита ўт ёкиш а. Тентирар карамайин кола кишга; Бир суягу, бир оёк кимиз берган— Даррав боглаб солади мол бокишга.

Не илож. ётга ёллан, мол топиб кел... Молинг бўлса, сийламай туролмас эл... Ёшлик ўтган бехуда ва бемехнат, Ёшлигинг ўтган изсиз мисоли ел!

Хунари бор — хечкимга қарам бўлмас! Эринчак хечқачон хам, одам бўлмас! Эшак думин ювсанг хам. халол мехнат, Халол мехнат — хечқайда гунох эмас!

Ўгри бўлиб, яхши тўн киялмассан, Бир ўргансанг нафсингни тиялмассан; Давлат кетар, ор блан номус кетар, Аммо, чивин жонингни қиялмассан.

Ба'зига қувлик блан давлат битар, Ба'зилар то ултунча тилаб ұзар Мехнат қилман топгацинг дарлат эмас, Қор сувидай бир зумда оқиб келар.

Қасам урган қувлардан нари юргин! Тиниб оқмас сувлардан нари юргин! Бу юртда тиланчи куп, эринчак мул, Меҳнат севмас... Улардан нари юргин!

Елсиз тунда ёруқ ой Нури сувда дириллар. Овул олди теран сой, Дар'ё каби гуриллар.

Қалин дарахт барглари-Шивирлашар, ғоз қотар. Майсазордир таглари, Кумкук, товланиб ётар.

Янграр эди тогу-тош, Куйлаб келган чоғида. Йулимга чиқар эдинг, Куришардик овлогда.

Қалби гур-гур урарди, Совуқ тер босарди гох. Қориб шунда турарди Чўчиб тушарди ногох.

Сўз айталмас, тили лол. Нотинч эди юраги. Суяниб турар бехол, Томоққа ботиб ияги,

Ярқироқ оқ кумушдай кенг манглайли. Жон олғич қора кўзи нур яшнайди. Ингичка қора қоши чизиб қўйган Биргина ўхшатаман туққан ойни.

Манглайдан тўғри тушган қирра бурун, Нурли юз, қирмизи бет, тил бойлайди. Лаб очса, кўринади инжу тиши, Худди қўлда тизгандай... ич қайнайди.

Сўзлари кўп адабли ва ма'ноли, Куйласа богда булбул сайрагандай. Товланган оқ шохидай томоги бор, Бир кўрсанг кўнглинг тамом яйрагандай.

Ягрини тахтакашдай, ийиги тик, Қуш олма гавдасида қийшаймайди. Чиройли,— узун эмас, қисқа эмас— Нозик бел, тол хивичдай буронглайди.

Ёш боланинг билагидай билаги бор. Ажинсиз оқ бармоқлар ишга чевар, Сунбул қора сочи бор ипак толли Бир кўргач ҳарқандай кўз уни севар. Қандай қизда лаззат бор акан тотмаган?! Гўзали бу замоннинг тек ётмаган, Ун саккиз-ўн тўққизга келгандан сўнг, Олмаси ўпка бўлар қўл ботмаган.

Буларнинг гох бирининг минезлари — Хеч нарса курмагандай буртонглайди, Гох бири содда, очик буламан деб Уринсиз одамлар-ла жиртанглайди.

Аввалдан гўзал хёли бизга ма'лум. Юрт ёклаган йигитни киз махтайди. Гох йигит орсизларча уялмасдан, а Кўли етмас нарсага тиртонглайди.

Уринли ишга юриб ўй топмаган, Эпин топиб мехнатла мол бокмаган, Хосиятли бўлмайди ундай йигит. Анчайин бекор юриб лақиллаган.

bon kar uta kasunta bor manar Menyapun mu Arrosinin munikar esi berma Arrosinin munikar esi berma

"Low many "The man remark".

All the Activities of the said

Бир гўзал қиз бўлибди хон қўлида, Хон хам жонин қияркан қиз йўлида; Олгин-кумиш кийгани шохи ипак, Кутучи қиз-келинлар бор сўнгида.

Деган сўз бор "уй-уйга, така тувга" Хон ғарқ бўлиб юрипти своз дувга, Қуйнимян, чол сийпатан, қурт есин деб, Жар тошдан қиз қулабди теран сувга.

Шон-салганат юлатмас ёш юракни, Ким хам бўлсин, ўз тенгин тиламасми? Вақти ўтган давронни қувалаган, На қилсин бир қариган қув суякни?!

Қари — ёш даврони ўзга, тотув эмас, Эпга кўнар, ёш юрак сотув эмас. Кимда-ким катта бўлса икки мучал, Мол бериб олган блан хотин эмас.

Кўл бойлар ёш хотинни тутар экан. Ёш қайғусин билдирмай ютар экан. Орасида буларнинг муҳаббат йўқ. Тушаб қўйиб қочирар буқамикан? Бой қариса молига берар чилвир, Мол умрни янгиртмас, худо ургир. Бировнинг қизин молга сотиб олиб, Илгаргини излаган қандай қургир.

"Хотиним қандай?" демас оқсоқол бой, Ёш блан дуст булибди епирим— ай! Қув хотининг майишса шод буласан, Шайтонга шогирд қилиб қуйиштандай.

Қари бой! Қаттиқ соқ бўл, тилга кўнсанг, Муйиз чиқар хотиннинг тилига кирсанг. Хеч ўқмассан ўзингга—ўзинг маз бўб, Дастурхон хам хотинни, махтан кўрсанг.

Гунохсиз хотин блан бўлар ароз, Ёшнинг кўнгли эримас, у ўзи ноз, Биттаси қизил гулу, бири қуврай, Бир ерга қўшилурми қиш блан ёз!

Доим булмас қуйруқни буланглатган, Сочидан силаб-сийпаб суюб ётган. Икки кунгил ораси йилчилик ер, Уни қандай қушали у онт урган.

1896

ar sje

Ярқ этмас, қоро кўнглим не қилса ҳам, Осмонда ой блан кун чақилса ҳам. Дун'ёда сра сендай менга ёо йўқ, Сенга ёр мендан ортиқ топилса ҳам.

Шўрли ошиқ сарғайса ҳам, соғинса ҳам, Ёр айниб, яхши суздан янглишса ҳам, Чидайди ёр ишига рози булиб, Масхара ва хўрликда топынса ҳам.

Тулпордан — чувир ўзмас чопилса ҳам, Унга ҳам укки тумор тақилса ҳам. Қоқитмай мени сиртдан юраолмайди, Қаерда ким еликиб, қоқинса ҳам.

Кучук, ит бари оларми ёпилса ҳам, Етарли бўлиб суяк топилса ҳам. Орсиз одам дўқ уриб ҳарсиллайди, Ҳар ердаёқ устунга тақилса ҳам.

Молга дўстнинг дўсти йўқ молдан бошқа. Оларида чора йўқ алдамасга. Қаерда пулни кўрса топинади, Одамлар ла'натукир ундай пастга.

Мол ёяди шуҳратин билдирмоққа Қўз-кўз қилар мол блан куйдирмоққа. Ўзи чўчқа, ўзгани ит деб ўйлар, Сув шўрва суяк блан суйдирмакка.

Ақлли, хуш фе'лли ва орли деб Махтамайди ҳеч кимни бу кунда кўп. Шу кунда мол қаерда гўнг ичида, Олтин берсанг, беради гўнгидан еб.

Шуни уқиб ўйлай бер бўлсанг зийрак. Кучингни сот, ор сотиб нега керак? Уч нарса одамзоднинг хосияти, Зўр ғайрат, ёрқин ақл, илиқ юрак.

Юрагим нима сезасан, Сендан бошқа жон йуқми? Дун'ёни кўнглим кезасан, Таянч йуқми, қуй тухта!

Сезганингни сездириб, Етолмадинг ўртокка. Тирик жондан бездириб, Оборасан кай ёкка.

Уртоқлик, тинчлик, дустлик ку, Унинг қадрик ким билар? Хар кимга тилак қушдик-ку— Бари алдамчи савдогар.

Дўстни қайдан топарсан, Кенгашишга одам йўқ. Нари бери чопарсан, Ёлгизликдан ёмон йўқ.

Ақл айтсанг бировга Ичинг эриб, илиниб. Уялмас ҳақ тилашга, Расволиги билиниб,

Хақин бериб тинглатган, Сўз кўнгилга кўнарми? Кулогин сотган пир урган, Унгдирарми, ўнгарми?

Куясан юрак, куясан Куйганингдан не фойда. Дун'ёда нени суясан, Умр қайда, дўст қайда?

жумбок

Тангрим миқти яратмиш саккиз ботир, Бурунгидан суқишиб ҳали ётир. Кезак—кезак йиқишар, ѐтиб—турар, Ким йиқиши белгисиз келиб охир.

ЕЧИЛИШ

Муни топай ўйланиб, окин — денгиз, Топалмасам, аклингиз нечун дерсиз: Бу: киш, ёз. кун блан тун, ток блан жуфт, Яхшилик хам ёмонлик... бўлдн саккиз!

ИСКАНДАР

(Хангома)

Искандарни хамма хам билармикан? Айтиб берсам, ишонмай кулармикан? Филипп пошшо фарзанди, донги кетган, Хеч баходир унга тенг келармикан?

Ёши хам йигирма бир, расо бўлди; Филипп ўлди, ўрнига пошшо бўлди. Ўз давлати, ўз юрти кам кўриниб, Қўшни эллар бошига бало бўлди.

Искандар қушин йиғиб, йулга тушди, Қанча мулк, қанча давлат қулга тушди; Дар'ё-дар'ё оқди қон, ёнди боғлар, Искандарнинг босқини мулга тушди.

Тиз чўкди талай хонлар қаршисида, Тиз чўкди не султонлар қаршисида. Асир тушиб, қул бўлди саноқсиз эл, Тиз чўкди не инсонлар қаршисида...

Шаханшох, деб шухрати гап — сўз бўлди. Давлати ошган сайин— очкўз бўлди, Қуйни тўлди, кўзи хеч туйгани йўк, Ер юзин олмадим, деб дилсўз бўлди. У, яна қўшин йиғиб йўлга тушди, Яна давлат, иқлимлар қўлга тушди; Хеч қайда тополмади қўниқ, ором, Дар'ё кечди, йўли бир чўлга тушди...

Олис чўлга дуч келди у ногухон, Қақраган хам яланғоч қум хартомон, Қанча тежаб ичса хам етмади сув, Чўл таптида қоврилар мол ва инсон.

Бир қатра сув дардида қўшин сарсон, Бедармон, чала жинни ва чала жон. Қанчалар қолиб кетди бу сахрода, Не иложки, ер — қаттиқ, йироқ осмон...

Жахонгирнинг оти хам қулаб ўлди, Дўст ёлин қучиб ғамга ошно бўлди. Урнидан туриб боқса, олисларда— Бир шў'ла барқ урмоқда... Хайрат тўлди.

Шаханшох шў'ла томон тўгри юрди, Сахронинг кок белида нима кўрди? Окиб келиб кумларга сингмокда сув, Искандар от устидан сувга урди.

Тоза қониб дер эди: "Не хикмат бу? Чул аро қандай ширин ва салқин сув... Сув бошида бадавлат эл бор ўхшар, Хамманг ичиб, дармон йиг ва юзинг юв!

Дармон йиғиб, сув буйлаб кетишим бор, Сув бошида — қал'аға етишим бор. Бош эгмаса — қиличим бошидадир, Шаҳрин ҳам тош—талқон этишим бор".

Жар солиб, сув ёқалаб юриб кетди, Йўлда қўнмай, кўп кун от суриб кетди. Қушини совут кийган, ўнкай ботир, Йўл-йўлакай базмини қуриб кетди.

Хайрон булинг Искандар бардошига, Юра-юра етипти тог бошига, Гойиб булди шу ерда сув оқиши, Разм солиб қаради хар тошига.

Қарасаки, ажойиб қал'а турар, Искандар от бошини дарҳол бурар, Тутҳасин тортар олтин дарвозанинг, Очолмай, ҳаҳри ҳистаб, ҳар ён юрар.

Хечқачон бундай хўрлик кўрмаганди, Хеч дарвоза олдида турмаганди; Голиб бўлиб ўрганган асов кўнгил— Хўрланарман, деб, хаёл сурмаганди.

Қахри қистаб, қоқишга тушди ногох:
— "Дарвозангни оч!" деди Искандар шох,
— "Ижозат йўқ, бу — тангри эшигидир!"
Қоровулнинг жавоби солди садо...

- "Билмайсанми, Искандар деган менман. Ер юзини урушда енгган менман. У — худо, мен — подшо, нима бўпти, Энг сўнги қал'а учун келган менман!"
- "Махтанишга хожат йўқ, зўравонсан, Хам зўравон, хам очкўз, тўймас жонсан. Миқти бўлсанг— нафсингга кучинг етсин, Бу дарвоза очилмас, бил, аён сан!"
- "Кўп кездим, тўгри келди рангбаранг ер, Қал'аларга чанг солдим мисоли шер; Қал'ангни-ку очмайсан, хеч булмаса, Халқимга кўрсатайин, бир сийлов бер!"

Шу замон келиб тушди тугун — рўмол; Овоз келди: "Жахонгир! Сийловни ол! — Сен сўраган сийловнинг худли ўзи, Жўнаб қол, йўлда очиб назаринг сол!"

Кўнгли тўлиб, тугунни қўлга олди; Тўхтамай, қўшни томон чопиб қолди. Очсаки, рўмол тўла— қоқ суяклар... "Бу қандай масхара?" деб ақли толди.

Жаханнамдай тутокиб кетди бирдан, Хеч ма ни ололмади ушбу сирдан. На'ра чекди: "Менга шу равомиди,— Суяк деган топилар хамма ердан!"

Хам тугунни ирғитди бетоқат қўл... Арасту яқин келди — ақли зап мўл: — "Шоҳо, — деди, — бу тортиқ бежиз эмас, Хосиятлик суяк бу — хабардор бўл!"

Арасту сўзлар экан, тингламас ким? Искандар хам ноилож ўтирди жим. — "Кўрайлик, суякми ё олтин оғир, Тарозуни келтиринг!" — деди хаким.

Тарозуни шу замон келтирдилар; Бир ёнига кумуш, зар тўлдирдилар; Бир ёнда суяк оғир босиб турди; Ҳаммаси ҳайрон қолиб ўлтирдилар.

Йиғилди қушинда бор олтин буткул, Босарди суяк ётган палла нуқул.
— "Хазинам етмадику! Суяк оғир...
Чорасини топ!" деди энг кейин ул.

Хаким олди ердан бир сиқим тупроқ, Ва суякнинг устига сочди шу чоқ. Бир дамда олтин оғир босиб тушди; Искандар яна ҳайрон, ҳаёл тарқоқ.

Шаханшохнинг багрини тирнар огу, Чидалмайин хакимни чақирди у: "Му'жизани тушунмай, қотди бошим, Ма'носини айтиб бер, эй Арасту!"

— "Кўз суяги — бу суяк! деб бошлар сўз, Тирикликда хечкачон тўймайди кўз, Бир сиким тупрокка хам тўяр — ўлса, Газабланма, шаханшох, булма дилсўз!"

Уйлаб-ўйлаб подшох бошин букди, Кўзлари косасига ботиб— чўкди. Йўл солди ўз юртига қўшин тортиб, Улгунича ўзини-ўзи сукди.

Сўз тамом, адок бўлди хангома хам, Бехуда гап ўйлама буни хеч дам. Ору-номус сотма умр бозгрида— Очкўз бўлма, одам-мас очкўз одам!

Махтанишнинг қайри йўқ, яхши билгин, Донолардан ўсганиб, амал қилгин. Ўз бахонгни— ўзингдан ким сўрайди, Яхши бўлсанг— ёруғлик сочиб келгин!

1901

МАС'УД

(Дастон)

Ё олло хурматингга дўстинг Махмуд Тилга куч бер, билинсин тўгри максуд. Хорун-Рашид халифа замонида Богдодда йигит борди оти Мас'уд.

Шахардан бир кун Мас'уд чиқди тишка. Бордими тўғри келиб бирор ишга. Бир ўгри ушлаб, тўнаб ётган ерда Гез бўлди бир бечора чол бойқишга.

Чол бойқиш бақиради фар"ёд солиб, Айриб олар одам йўқ уни бориб. "Кимам бўлса бир эрлик қилайин" деб Мас уд учди ўғрига газабланиб.

Мас'удни ўгри чопди қилич блан, Яхшиёқ жон сақлади бир иш блан, Эсон-омон у чол ҳам қутилибди, Мас'уддан ёв қочганда уруш блан.

Мас'удга келди у чол кўзин тиклаб, Кўрса бошдан кон окади мард энтикиб, Чол ўйлапти карзимни мен ўтайин, Йигит экан баходир, ёв юрак деб. Эй йигит не қилсанг қам эр экансан, Кўргайсан эрлигингнинг баракасин. Ажалдан, сабаб бўлиб, сен қутқардинг Шу учун олло сенга умр берсин.

Бой эмасман, ботир ё хон эмасман. Отоқли, ортиқ булган жон эмасман. Сабаб булиб ажалдан қутқардинг сен, Яхшиликни мен билмас, чол эмасман.

Мен бир жонман дун'ёда, жақон кезган, Азон блан кетаман шақрингиздан. Эртароқ фалон ерга келиб туриб, Олиб қол бир мукофот ўғлим биздан.

Пул учун қизиқмассан сен қам бир эр, Сени менга учратди парвардигор. Бир худонинг қаққи учун мен тилайман, Қабул қил шартим учун қўлингни бер.

Ўғрига юбормадим мен номусни, Ким пуллар бундай бундай қилган ишни. Олло ҳақи деган ҳеч амал ҳям йұқ, "Борайин" деб ва'да этиб құл олишди.

У ерга йигит туриб эрта борди, Олдидан чол тез пайдо бўлаколди. Кўлидан ушлаб олиб эргаштириб, Бир четда турган уйга олиб борди.

У уйда бир гул турар сўлқиллаган, Бошида уч мева бор билқиллаган. Бири оқ, бири қизил, бири сариқ. Танлаб шундан бирини олгин, деган. Оқин олсанг ақлинг жондан ошар, Сариғин олсанг давлтинг сувдай тошар. Агар қизил мевани олиб есанг Хотин-қизда жон булмас сендан қочар.

У йигит чол сўзига қулоқ солди, Кўзини пастга тикиб оз ўйланди. Оқи блан сариғин олмайман деб, "Қизил мева ейман"—деб қўлга олди.

Мен бераман, тонмайман айта туриб, Пушаймон бўлма, кейин юриб юриб. Оқ блан сариғини олмаганинг, Ма'носини менга айт яқин кўриб.

Мен бўлсам агар оқин емоқ дедим, Ақлли бўлдим элдан бўлак дедим. Мен ақлни эмас, у балки мени, Йўлга солса, ўргатса керак дедим.

Ақллик жон топилмас менга сирдош, Айниқса сузга нодон буйин бермас. Адолатсиз, ақлсиз, орсизларни Кура туриб кунгилда тинчлик турмас.

Одам дардли бўлмасми ғусса тортиб, Ширин уйқу келмайди тунда ётиб, Юрагимнинг дардига эм тополмай, Ширин ош ичолмайман дамин тотиб.

Саригин еб, мен булсам бойнинг ўзи, Огзида халойикнинг булдим сўзи. Палончадан бир нарса олсакчи деб, Тикилар жон битканнинг менга кўзи. Юрт қарғар юртдан ортпқ бойлик учун, Пуллайди биров турсин, биров ичин. Не қилса ҳам нодонлар олмоқ истар, Моли қургир куйдириб юртнинг ичин.

Мехнатсиз мол сўрамок хайрчилик, Аклли эрга ордир ундай килик. Уни ўйлар бу кунда одам борми? Фойда ўйламай килади ким тотулик.

Берсанг қолар нимаси унда орнинг, Бермасанг ўзинг хам ит бирга бўлдинг. На ўзинг ит, булмаса бор элинг ит, Да'восиз бир балога миниб қолдинг.

Қизилни есам мени аёл суяр, Одамликка юрмаса не жон куяр. Аёллар ҳам кўп жонку, дўстим бўлса, Деб эдим бир фойдаси менга тияр.

Эркакнинг гар эркакда бўлса қасди. Хотин, она, қизи йўқ кимнинг боши, Қон қахар қора киши қасдлик қилса; Шунда аёл бўлмасми химоячи.

Аслда одам боши сог бўларми? Уйнда текши илмас дов бўларми? Эри аччик айтса, хотин юмшок айтиб, Утирса бурунгидай ёв бўларми?

Шуни ўйлаб қизил мева мен танладим, Берсангиз емоқ бўлиб бел бойладим, Тўсатдан мен бу сўзни айтганим йўқ, Бошидаёқ ўйлаб тегин авайладим.

Бу сўзга солиб турди чол қулогин, Бўлмаса топиб айтдинг ё чирогим, Ақл, давлат, аввалдан сенда экан, Умрингдай узун бўлсин, бахтинг, жоним.

Бу чол бўлак чол эмас хизир эди, Эпин топиб йигитга тўгри келди. Сўзига ва аклига, килигига, Рози бўлиб хакига дуо килди.

Хизирдан Мас'уд дуо хўп олипти, Сўнгидан ша'ми—жохон аталипти, Ма'носи бу дун'ёнинг куни деган Етишиб бизга ибрат сўз қолипти.



МУНДАРИЖА.

	,							- 4	Dem
Гўдак учун — Миртемир									
Ешликца — Миртемир та									
. Илм — <i>Уйғун</i> таржимаси									
Когозим - Миртемир тар	жимаси							i	13
, Буркутчи — <i>Уйғун</i> таржи	маси								15
. Қаридик — <i>Уйғун</i> таржия	иаси								18
Улан — Миртемир тарж	имаси .								20
•Бозор — Уйгун таржимас	и	٠.						Ų.	23
Ез кетди — Миртемир та									
. Йигит сўзи — Уйгун тарж									
.Киз сўзи — Уйғун таржим									
.Аввалдан — Уйгун таржи									
Кўклам — Миртемир тар	жимаси				9				31
.Сулувлар — Миртемир									
-Талай сўз — Уйгун таржі									
Севги — Миртемир таржі									
Ёшлик утди — Миртемир									
Куз — Миртемир таржим									
Мен ўланни — Миртемир									
Сол демайман — Уйгун т	anwuwani anwuwani	ı Cri	•	•	•	•	Ť	•	43
Не умид — Миртемир та									
Кун жетидан — Миртеми									
Бутун танга — Миртемир									
Дагал овоз — Миртемир	таржима	CH		÷			٠.	2	48

Мен кўрдим — <i>Уйгун</i> таржимася	=						40
Оч киши — Миртемир таржимаси							
Елсиз тунда — Уйгун таржимаси	è	ē					52
Яркирок — <i>Уйгун</i> таржимаси						a.	53
Бир гўзал — Уйғун таржимаси			٠.				55
Ярқ этмас — Уйғун таржимаси	•						57
Молга дуст — Уйгун та жимаси .				4			58
Юрагим — Уйғун таржимаси							59
Жумбок — Миртемир таржимаси							60
Искандар — Миртемир таржимаси							61
Мастуд — Уйгун таржимаси	٠		٠				66

На Узбекском языке

АБАЙ

ИЗБРАННЫЕ СТИХИ

Госиздат УЗССР — Ташкент—1945

Редактор Рамз. Техред іктор Я. Пинхасов

Теришта берилди 16/VII 9 5 й. Босишта рухсат этилди 27/VII 1945 й. Р 04463. Қо оз фармати 70×90/3 Печ. листи 2,25. Уч.: вт. листи 3,0 1 печ. листиа 4000 0 харф. УзССР Давлат Наштиёти. Шартнома № 217—1945 й. Индекс. г/а. Тиражи 1000. Бахоси 3 с.

Тошкент, 1-ичи босмахона. 1945 й. Заказ № 1353